



3. februar 2023

Inatsisartut ingerlatsinermut maleruagassaanni § 37 imm. 1 tunngavigalugu Naalakkersuisunut ukuningga apeqquteqaateqarpunga:

**Naalakkersuisunut apeqquteqaatit:**

1. **Avataasiorluni saarullinnik aalisarnissamut ingerlatsisut nutaat ilumut inissaqarnersut Naalakkersuisut kisitsinikkut ersarissaasumik pilersitaqarnikuunerlutik?**
  - a. **Taamaappat Naalakkersuisut akissuteqarnissaminnut taakku ilanngutissavaat.**
2. **Ingerlatsisunik nutaanik isertitsissallutik aalianginnginnermi avataasiorluni saarullinniarlutik aalisartunik ingerlatsereersunik Naalakkersuisut oqaloqateqarsimanerlutik?**
  - a. **Taamaappat ingerlatsisut pioreersut taakku qanoq akissuteqarpat?**
3. **Nunatta Kangiani saarullinniarluni avataasiorluni saarullinniarnermi biologit innersuussutaat 8.400 tons-mi inisseqqavoq<sup>1</sup>. Siunnersuineq taanna annertungaatsiartumik qaangerneqassaaq (ingerlatsisumut nutaamut tunniunneqarsinnaasoq allaat kisimiilluni 7.515 tons-miippoq). Biologit innersuussutaanik qaangeerujussuarnermut suna peqquataava?**
  - a. **Saarullinniarluni aalisarneq Naalakkersuisuniit piujuaannartitsinissamik aallaaveqartutut isigineqarnerluni?**
4. **Suna tunngavigalugu Nunatta Kangiani avataasiorluni saarullinnik aalisarnissamut ingerlatsisunik nutaanik isertitsisoqarnissaanik Naalakkersuisut siunertaqarsinnaasorippat, pisassallu innersuussutigineqartuniit annertunerungaareeqisunut ingerlatsisoqareeraluartoq?**

(Inatsisartunut ilaasortaq Jens-Frederik Nielsen, Demokraatit)

**Tunngavilersuut**

Siullermik §37 apeqquteqaatit normu 010/23 akissuteqarfigineqarsimaneranut qujarusuppunga. Akissutigineqarsimasut apeqqutinik nutaanik ukuningga pilersitsisimapput. Taamatuttaarlu tunngavilersuutikka §37 tunngavigalugu apeqquteqaatit normu 010/23-mi tunngavilersuutigineqarsimasunut innersuussutigaaqka.

Apeqqutit ullut qulit suliffiusut iluanni akineqareersimanissaat kissaatigaara.

---

<sup>1</sup> Avataani aalisakkat ilaannut TAC-mik 2023-mut takussutissiaq [https://naalakkersuisut.gl/-/media/naalakkersuisut/filer/dep/fiskeri-og-fangst/fiskeriafdelingen/tac-og-fiskekvoter/010223\\_oversigt-over-tac-for-visse-havgende-arter-for-2023-kal.pdf?la=kl-gl&hash=CD013ACD2365BB3D28449A55BA6B34E2](https://naalakkersuisut.gl/-/media/naalakkersuisut/filer/dep/fiskeri-og-fangst/fiskeriafdelingen/tac-og-fiskekvoter/010223_oversigt-over-tac-for-visse-havgende-arter-for-2023-kal.pdf?la=kl-gl&hash=CD013ACD2365BB3D28449A55BA6B34E2)